

يمكن هالفيلم تعبكن ووجعكن.. بس هيدي حقيقة وهيدا واقع موجود ببيوت كثير ناس بهالبلاد.. بعقد انو هالناس بيستاهلوا نتذكرهم ، نتعب ونفكر شوي معهم.. بركي كمان منفكر بحالنا، كشعب، إذا منرضى نتخلى عن هالشريحة من أهلنا.. إذا منقبل نكب شقفة من تاريخنا لأنها سودا وبشعة.. أو انو لازم نتعامل معها وننتشارك سوا تانلاقيها حل مثل ما عملت كثير بلدان بالعالم يلي عرفت حروب مثلنا!!

برجع عالفيلم، يمكن ما شي جديد إذا قلت انو وجع مريم هوّي عينة من وجع الميات من الأمّات يلي سرقتهم الحرب واحد من ولادن.. وفيه عيل انفقدلها أكثر من شخص (أم عزيز ٤، أم تيسير + الزوج، أم حسيب ٣ وأوديت ٢ وغيرهين..). مثل ما شفقتو، مريم وجعتها الحرب.. ووقت اجا "السلم" ما ردلها ابنها ولا أنصفها، بالعكس همّشها وكرّسها بوضعية "الضحية" .. يعني صارت ضحية مرتين.. ما بعرف إذا قدرتو تلمسو الوجع المخزن جواتها ويّلي بيّفوق بكثير هاللي بين عالشاشة.. حالة مريم واصرارها عا معرفة شو صار بماهر بيحاكي حالة كل أم وبي، كل زوجة، كل ابن وابنة وكل أخت وخي يلي فقدوا شخص كثير غالي عا قلبهم.. معاناة هالناس كثير كبيرة ومشربكة.. بفكر لا بتتقاس ولا بتتوزن ويبدو انو ما الها إلا دوا واحد، اسمو الحقيقة..

أسعد كمان موجوع.. بسّ وجعو مختلف.. هوّي ما وجعتو الحرب، هوّي وجع ناس بالحرب.... أسعد "السلم" وجعو..

حاول وبعديو عم يحاول يداوي حالو.. كأثو جرّب يمحي من ذاكرتو الجرائم يلي ارتكبها أو أعطى أوامر لارتكابها، كأثو حاول يتخلص من ريحة الدم اللي بعدها علقانة بأنفاسو، يطرد من أذنيه صدى صريخ الضحايا واستغاثاتهم قبل ما صاروا موتى.. واضح اّو ما قدر.. كأثو كل هلي ارتكبو اصطف صور ورا بعضها بشرط عم يكرّ براسو.. مثل الفيلم الطويل يلي ما عم يخلص مّو.. أو كل ما خلاص هالشريط بيرجع بيعيد حالو بحالو (auto play)..

أسعد تميّز عن باقي يلي فظّعوا بالحرب انو اعترف بهالشي.. أسعد وجّه أكثر من اعتذار للضحايا، لجأ بعد هالشي لعالم الروحانيات والتبشير.. صلى، ندم، اختلى بنفسو، ما خلا ولا وصفة إلا ما جرّبها، ما بخل بالحكي عن تجربتو وتوبتو بكل

المجالس اللي اندعى عليها.. جيد، بس مبيّن ان المرض بعدو عم يعس..العلاج بلّش حسب ظني من حوالي ١٣ سنة إذا ما أكثر، النتيجة: لا شفاء كلي، لا خلاص.. واضح انو كل هلي عملو وعم يعملو تا يصحّ ما بيوصلّ لأنو في شي ناقص بعد..أصلاً هوّي ما وصلّ شي لمريم ولا لأي حدا من الناس يلّي بوضعها..

اليان الراهب لأنو عندها كثير أسئلة عن فترة الحرب، لأنها عم تفتش عا أجوبة ، بلّشت تتكش بدفاتر الحرب، بذاكرات ويوميات الناس يلّي عايشوها.. قدرت بهالفيلم وبامكاناتها الذاتية انها تحقق تقدم عا مستوى قضية المفقودين.. يلّي عم نطلبو من الدولة من سنين طويلة أگدت اليان عا صحتو وانو تنفيذه ممكن وليس بالأمر المستحيل ولا التعجيزي.. أگدت على انو في حل لقضية المفقودين .. مشروع القانون يلّي كتبنا بينطلق من الخطوات يلّي شفناها بالفيلم.. نحن، من أكثر ٣٠ سنة، عم نطالب الدولة بحقنا بمعرفة شو صار بولادنا يلّي انفقدوا وبحق المجتمع كلو.. لأنو كلنا لازم نعرف شو صار.. من ١٣ سنة (سنة ٢٠٠٠) ردت علينا الدولة انو ما لقيت ولا واحد من المفقودين عايش، بس اعترفت انها لقيت مقابر جماعية وسمت ثلاثة منهم.. ومن وقتها ما قدّمت ولا خطوة تا تحدد مواقع هالمقابر، ولا تتأمن حراستها، ولا أخذت أي اجراء تمهيداً للنبش والتعرف على هويات الرفات المدفونة فيها تا يدفنوهم أهلهم مثل ما لازم .. بالفيلم قدرت اليان تعرفنا عا مقبرتين جماعيتين جديدتين، واحدة بالحدث والثانية بالكرنتينا. وهالمقبرتين هئي برسم الضم إلى المقابر الثلاثة التي اعترفت الدولة بوجودهم بطلوع الروح.. ونحن كأهالي منعتبر انو هيدا اخبار مش بس للنيابة العامة بل لكل واحد منا ولكل مسؤول...

قدرت انو تقوم بنوع من التحقيق مع مقاتلين بالحرب.. قدرت تجيب شهود وسمعنا المعلومات يلّي بيملكوها عن تلك المرحلة الدموية.. تصوروا أنو انسان بمفردو بس أخذ قرار، قدر، بعمل فني، يقوم بأشيا عجزت الدولة عنها، لأ.. هي ما عجزت، هي تمنعت وبعدها مع اتو هالشي من ضمن مسؤولياتها المباشرة...!! بنظرنا هي متواطئة وشريكة بالجريمة اذا استمرت بهالسياسة..

الختام:

- نحن كأهالي مفقودين ومختفين قسرياً مع أصدقاء قضيتنا والداعمين لها مكفايين بمعركتنا تا نوصل لحقنا.. وكل ما كترنا الأصدقاء الداعمين منقرب من فرض الحل، وبس تتحل هالقضية منكون بلّشنا نرسي الأسس الحقيقية للسلم الأهلي ومنكون عم نساهم بمنع تكرار مثل هالجرائم.
- نحن منعرف انو السيد أسعد شفتري متو وحدو مسؤول عن خطف واخفاء الـ ١٧٠٠٠، في كتار غيرو ومعروفين .. مشروعا ما بدو يعاقب عا جرايم

- الحرب يلّي ارتكبت بالماضي.. بدّو يعاقب عا هلق يلّي بيعرف معلومة وما بيقولها أو إذا عطى معلومة غلط تا يضيّع التحقيق..
- مشروع قانون الحل جاهز.. موجود بجارور رئيس حكومة تصريف الأعمال وبجارور أكثر من وزير بهالحكومة وأكثر من نايب، ونحننا مستعدين انو ناقشو مع النواب الحاليين ومع يلّي ناويين يترشحوا .. مشروع القانون موجود على الصفحة الالكترونية للمفكرة القانونية.. يعني اذا وجدت النية ، آلية الحل موجودة يمكن الانطلاق منها.
- نحن على استعداد للقاء الرئيس المكلف بتشكيل الحكومة أو من ينتدبه لتوضيح ما نطالب به، حتى لا تكرر الحكومة الجديدة في بيانها الوزاري ما ورد في بيان الحكومات الثلاث التي سبقتها بشأن تشكيل هيئة وطنية لشؤون المفقودين والمخفيين قسراً التي بقيت حبراً على ورق والتي في جميع الأحوال لم تعد بذى فائدة أمام مشروع القانون الحل.
- ان لجوءنا الى القضاء مستمر، ان على صعيد متابعة الدعاوى المقدمة بشأن المقبرتين الجماعيتين في كل من مدافن الشهداء في حرج بيروت ومدافن مار متر في الأشرفية، وان على مستوى المقابر التي تم كشفها في الفيلم ورح أترك لصاحب الاختصاص، المحامي الأستاذ صاغية التحدث عنها وعن الخطوات المستقبلية التي سنسلكها.